



REGIONE AUTÒNOMA DE SARDIGNA
REGIONE AUTONOMA DELLA SARDEGNA



COMUNU DE DOMUS DE MARIA

Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.

CUMBÈNNIU CONTRA IS TRAMPAS E S'INGANNU

Ariseru a merì, s'est fatu, anca est su tzentru sotziali, su seminàriu apitzus de is trampas a is tzitadinus. Sa faina est promòvia da su Comunu de Domus de Maria cun s'agiudu de su Cumandu de sa stazioni de is Carabineris de Domus de Maria aintru de unu programa po donai informatzionis a is tzitadinus e maneras e ainas po si difendi da s'arriscu de trampas e ingannus.

In custu atòbiu, aparau in manera spantosa da su Maresciallu Pilia, Cumandanti de sa stazioni de is Carabineris, impari a duus agiudantis, po mèdiu de esemprus pràticus e fàcilis, s'est amostau cumenti amanniai sa resistèntzia e sa manera de arreconnosci is trampas.

Bòfia meda da custa aministratzioni po agiudai e informai is tzitadinus nostrus a si difendi da is atacus telefònicus e online, fàcili chi acuntessint, chi prus e prus bortas fertint personis dilicadas, cumenti antzianus e piciocheddus.